

國藥詮證

卷二

國藥証卷二

寶山王劍賓著

桑根白皮

性味 甘寒無毒

效用 主傷中五勞六極羸瘦崩中絕脈補虛益氣

說明 桑根白皮性味甘寒甘能和氣寒能清熱。本經以其能補虛益氣而主

治傷中五勞六極羸瘦崩中絕脈別錄去肺中水氣治唾血熱渴水腫腹滿。臘脹利水道可知桑根白皮有清熱利水之效。故李時珍主瀉肺利大小腸降氣散血。本經之所謂補虛益氣係以瀉爲補是瀉其有餘並非補其不足也。肘後方治血露不絕千金方傳石癰堅硬證明其不但可以瀉肺並能散血也是五勞六極崩中脈絕均爲氣血熱結之證。故以清熱散結爲治也。若

誤會補虛益氣之說而用治純虛之證則適得其反矣。

○桑白皮散 治上焦熱壅血腥煩嗽連聲併氣不得透

桑白皮 桔梗 川芎 防風 薄荷 黃芩 前胡 柴胡 紫蘇葉  
赤茯苓 炒枳壳 甘草

○補肺湯 治勞嗽

桑白皮 熟地黃 人參 紫苑 黃耆 五味子

○瀉白散 治肺熱咳手足心熱

桑白皮 地骨皮 甘草

第一方以桑白皮前胡瀉肺。桔梗防風薄荷散氣。川芎行氣。黃芩清熱。柴胡枳壳利氣。紫蘇葉赤茯苓散血。甘草和氣。本方所治之病爲氣血阻滯所致。所謂上焦熱壅。因氣阻而發炎。故以瀉肺爲主。清熱爲次。通阻則熱自退也。氣阻之後。血亦不能暢行。是以兼用散血之藥。惟究非血病。不能純用血藥。

故以紫苑葉赤茯苓兼治氣血此二味可以行氣亦可以散血也。第二方以桑白皮清熱瀉肺。熟地黃散濕利氣。人參黃耆益氣。五味子欽氣。紫苑散結降氣。此方所治之病已處於不能瀉而不可不可不瀉之地步。故瀉肺藥中兼用益氣欽氣之藥。凡方之偏者。容易奏效。若過於中和。則敷衍而已。此方平妥有餘。而效力難見者。職是故也。第三方以桑白皮瀉肺熱。地骨皮散滯氣。清裏熱而和之以甘草。此方簡單而極有組織。治氣中挾輕微之濕。而在化熱者必能奏效。以咳與手足心熱。均爲氣病。所用均爲氣藥。不輕不重。恰到好處也。

### 桑枝

性味 苦平無毒

效用 主偏體風癩。四肢拘攣。運肺氣利小便。

說明 桑枝有驅風散濕之效。故蘇頌主治遍體風癢。四肢拘攣等證。以驅風可以止癢。散氣可以舒筋。肺氣失調。則小便受阻。運肺氣即所以利小便。本事方治風熱臂痛。聖濟總錄治水氣脚氣。皆取其驅風散濕之力也。

○桑枝煎 治風脚膝軟弱

桑枝 生附子 茄子根 黑豆 石斛 天雄 天麻 牛膝 川芎  
桂心

右方以桑枝生附子天雄驅風散濕。茄子根散血。黑豆利腎。石斛除痹下氣。天麻散氣。牛膝利濕。川芎行氣。桂心散寒。脚膝軟弱爲風濕阻滯所致。故以驅風散濕除痹行氣主治。

桑寄生

性味 苦平無毒

效用 主腰痛小兒背強癰腫安胎

說明 桑寄生性味效用均與桑枝相似。以寄生於桑上感其氣也。眞者或有特效。然寄生既爲偶然之事。而寄生於桑上更爲難得。故昔人謂非自採。即難別。如用者一多。供不應求。未有不以他樹之寄生充用者也。故與其用桑寄生以求難知之效。不若用桑枝之爲切實可靠也。本經主治腰痛小兒背強癰腫安胎。皆取其燥濕利氣之效。

○桑寄生散 治胎漏經血妄行淋漓不已

桑寄生 當歸 川芎 繢斷 阿膠珠 香附子 茯神 白朮  
人參 甘草

右方以桑寄生香附子行氣逐濕。當歸川芎續斷行氣和血。阿膠珠散血。人參益氣。茯神白朮利濕。甘草和氣。胎漏起於氣之不和。行氣逐濕以和其氣。兼和其血。益氣散血以安其胎。桑寄生用者雖多。是否有特效。是否能得眞

者。均成疑問。故以不用爲是。

### 柏子仁

性味 甘平無毒

效用 主驚悸益氣除風濕安五臟

說明 柏子仁性味甘平。潤中帶燥能散風濕。本經主益氣者。以氣中有濕。散濕則有益於氣也。驚悸起於氣之不和。散濕則以可和氣而治驚悸。濕阻則氣滯而爲風。燥濕則氣暢而風散。五臟之風不能外散。性潤燥之劑可以和之。此柏子仁之所以能安五臟也。故治大腸風秘必以柏子仁爲主藥。昔人皆言其補實則驅風散濕。皆偏於瀉。苟不推本窮源。明其效用。誤認爲補藥而服之者。未有不滋流弊者也。

○補肝湯 治肝氣不足兩脅下滿筋急不得太息四肢厥冷發搶心腹

痛目不明

山茱萸 甘草 桂心 桃仁 柏子仁 細辛 茯苓 防風 大棗

○經效阿膠丸 治勞嗽并嗽血吐血

阿膠珠 生地黃 山藥炒 卷柏葉 大薑根 五味子 雞蘇  
茯苓 人參 百部 遠志 甘草 防風 麥冬 柏子仁

第一方以山茱萸。欬肝氣。甘草大棗和氣。桂心散寒。桃仁散血。柏子仁細辛  
防風散風濕。茯苓利水。本方所治爲氣血阻滯之病。故驅風以利氣。散血以  
通阻。利水以散濕。風濕既去。猶恐其不和。故和之以甘草大棗。第二方以阿  
膠珠散血。生地黃清熱。遠志山藥收濕。卷柏葉大薑根止血。五味子欬氣。雞  
蘇散濕利氣。茯苓利水。人參益氣。百部殺蟲。甘草和氣。麥冬瀉肺。防風柏子  
仁驅風散濕。勞嗽吐血爲肺勞證象。有許多肺病。皆爲肺由濕阻所致。故散  
濕則愈。惟旣已吐血。不宜再用燥藥。但一味滋潤。亦足助濕。本方潤中帶燥。

而兼用殺蟲藥。且注意於收濕。雖不能必其有效。而尙能處處顧到。

## 柏葉

性味 苦微溫無毒

效用 主吐血衄血痢血崩中赤白去濕生肌

說明 柏葉性味苦溫。苦能燥濕。溫能散血。故別錄主治血病。其止血之效在燥濕散血。而不在清熱止血。張氏醫通。認爲清燥而無陽生之力。亡血虛家不宜擅用。不知即使清燥。如因濕重熱重而吐血者。亦爲對證之藥。如亡血虛家忌而不用。則濕不清熱不退而血不止矣。况柏葉原爲散血之藥。而並非清熱之藥。故楊氏方用以治中風不省。聖惠方用以治霍亂轉筋。張仲景用以治吐血不止也。散血之藥。所以與薑艾同用。若爲清血之藥。決不與薑艾同用。張氏醫通乃謂與薑艾同用。當無止慮矣。吐血不止。自求其止。惟清

熱止血散血止血。其止同而所用之藥絕對不同。張氏醫通認定柏葉爲大寒之藥。不知其散血之效。故有此說。此醫家之所以須明藥效。並當知其何以有效。若知其所當然而不知其所以然。未有不誤人者也。

○柏葉湯 治吐血不止

乾薑 阿膠 柏葉 艾 馬通

○斷紅丸 治下血久不止虛寒色淡晦者

側柏葉 川續斷 鹿茸

第一方以乾薑散寒。阿膠散血。柏葉艾馬通逐寒散血。此方以通爲止。所治之病。並非血熱。而屬於寒滯血阻。故皆用溫散之藥。散寒逐濕。散血通阻。血得運行。則不溢而自止矣。第二方以側柏葉散血。川續斷行氣活血。鹿茸散寒逐濕。此方與第一方所治之病。病源相同。惟吐下有不同耳。以側柏葉治虛寒下血。既可證明性溫。又可證明其散血。否則絕無可以止血之理也。續

斷能散氣血之滯。鹿茸能散腎經之濕。色暗。阻滯已久。而有不足之象矣。  
故溫下以益氣。如此治法。久可見功。難求速效也。

### 茯苓

性味 甘平無毒

效用 主胸脇逆氣。憂恚驚邪。恐悸心下結痛。寒熱煩滿。咳逆口焦舌乾利小便。

說明 茯苓性味甘平。能利水濕。本經主治胸脇逆氣。以胸脇爲水濕所阻也。憂恚驚邪。恐悸心下結痛。均爲濕病。蘊濕不化。則氣血運行受其阻滯。而憂恚驚邪。恐悸諸病作矣。寒熱煩滿。起於濕阻。阻則煩滿。化則爲熱。滯則爲寒。故時寒而時熱也。濕留於肺。則咳逆。濕阻中焦。則上氣不能下達。下氣不能上升。而口焦舌乾。小便不利。茯苓有收濕之力。故可以利水而通阻。或言其

上行或言其下降實則所治諸病皆爲收濕之效。收肺濕則可以止咳。收腸濕則可以止瀉。收腎濕則可以通小便。如因濕盛而小便滑數者，收濕之後，可使之止。如因濕阻而大便不通者，收濕之後，可使之通。惟寒滯之濕須用溫藥以回復其運化之力。非淡滲之劑所能疏利。此則治濕病者不可不知。亦爲用茯苓等淡滲之藥者，所不可不知者也。

○茯苓桂枝甘草大棗湯 治發汗後，臍下悸，欲作奔豚。

茯苓 甘草 大棗 桂枝

○茯苓杏仁甘草湯 治胸痹，胸中氣塞，短氣。

茯苓 杏仁 甘草

○茯苓湯 治產後心悸不定，言語錯亂，恍惚。

茯苓 甘草 茵薑 桂心 當歸 生薑 麥冬 大棗

第一方以茯苓利水。桂枝行氣散濕。而和之以甘草大棗。發汗後，臍下悸，上部。

之濕已化。而下部之濕未化也。故用茯苓以疏利下部之水濕。桂枝以行氣散濕。使留滯之濕得以運化。便於疏利。經此變動之後。氣已浮越而不和。故治其病源之後。更注意於和氣也。第二方以茯苓利水。杏仁瀉肺。而和之。以甘草。胸痹爲胸中有水濕積滯。肺氣不能運行所致。故以茯苓疏利水濕。杏仁瀉肺。以宣通肺氣。通利之後。猶恐氣之不和。故和之。以甘草。第三方以茯苓疏利水濕。桂心散濕。當歸行氣。甘草和氣。芍藥欽氣。生薑散結。麥冬瀉肺。大棗和胃。產後心悸。肺中積有水濕。氣血不和。所致。故以茯苓疏利水濕。麥冬瀉肺。中積滯並。和其氣血。心悸由於濕阻。言語恍惚。則氣阻所致也。

### 茯神

性味 甘平無毒

效用 主胸脇逆氣。憂恚驚邪。恐怖心下結痛。寒熱煩滿。咳逆口焦舌乾。利小

便

說明 茯苓與茯神主治相同。古方祇用茯苓。而不用茯神。今人以茯苓利水濕。而以茯神治驚悸。實則二者無甚區別也。

○茯神湯 治產後心悸意志恍惚

茯神 人參 茯苓 茵薑 甘草 當歸 桂心 生薑 大棗

右方以茯神茯苓疏利水濕。人參益氣。茵薑欬氣。甘草大棗和氣。生薑桂心散寒。此方與茯苓湯所治之病相同。惟此方有人參而無麥冬。稍偏於補耳。

蔓荆子

性味 苦微寒無毒

效用 主筋骨間寒熱濕痹拘攣。明日堅齒利九竅。去白蟲

說明 蔓荆子性味苦寒。有燥濕清熱之效。凡濕之浮越者可以散濕之入裏。

者可以燥。可以清。本經主治筋骨間寒熱與濕痹拘攣。均爲在裏之寒熱濕滯爲寒濕化則熱。燥濕則寒熱俱治也。明目亦爲燥濕之效。非驅風之效也。時珍以氣清味辛。體輕而浮。上行而散。認爲所主均爲頭面風虛之證。與本經主治旣有出入。性味變苦爲辛。亦有寒熱之異。此不可從也。

○羌活勝濕湯 治外傷濕氣一身盡痛並通治濕證

羌活 獨活 藁本 防風 蔓荊子 川芎 炙甘草

○川芎行經散 治目中青翳如物傷狀重者白睛如血貫

枳殼 川芎 當歸 柴胡 炙甘草 白芷 防風 荆芥穗 薄荷  
獨活 蔓荊子 羌活 紅花 茵苓 枸梗

○鼠粘子散 治面上風癩

鼠粘子 連翹 防風 荆芥 枳殼 枸梗 蔓荊子 白蒺藜

當歸 蟬蛻 厚樸

一方以羌活藁本蔓荆子去濕獨活防風去風濕川芎行氣炙甘草和氣凡濕病至一身盡痛在濕化爲熱之候也故兼用氣藥以使之行而助其化用風藥者使之散也第二方以枳殼川芎利氣當歸紅花行血柴胡炙甘草和氣白芷防風荆芥穗薄荷獨活蔓荆子羌活桔梗驅風散濕茯苓利水肝氣不和因血滯而目病故以驅風散濕行氣活血主治第三方以鼠粘子散風熱連翹荆芥清熱散氣枳殼利氣桔梗清肺氣防風白蒺藜蟬蛻散風濕蔓荆子厚樸清濕熱當歸行氣活血面上風癢故以驅風爲主風濕相兼故佐以散濕濕去則氣和而風治矣

### 槐實

性味

苦寒無毒

效用

主五內邪氣熱止涎吐補絕傷火瘡婦人乳瘕子藏急痛

說明

槐實性味苦寒。有清熱燥濕之效。宗奭認爲風藥。故用以疏導風熱。好

古認爲血藥。故曰治證與桃仁同。不知因濕滯而氣阻者。燥濕則自可利氣。因濕滯而血阻者。燥濕則自可散血。槐實祇能燥濕清熱。並不能驅風破血。也。且所治均爲積濕化熱之證。有濕無熱者。不能治。有熱無濕者。亦不能治。本經主治五內邪氣熱。最爲確切。他如止涎吐。補絕傷。火瘡。婦人乳癰。子藏急痛。則爲一貫之濕熱病。故均可以清燥主治。別錄認爲可以墮胎。以其能下血也。實則槐實能下濕熱壅滯之血。決無可以墮胎之理。別錄之誤。正與好古相同也。

○槐子散 治濕痔瘡有雌雄皆主之

槐子 乾漆 泰艽 吳茱萸根白皮 白芷 桂心 黃芩 黃耆

白欵 牡蠣 龍骨 雷丸 丁香 木香

○臘頭丸 治腸風下血脫肛